

Q. D. B. V.

OBSERVATIONES SELECTIORES
ET MONITA

CIRCA

IVS NATVRAE

PRAESCIENTE

AMPLISSIMO PHILOSOPHORVM ORDINE

PVBLICO ERVDITORVM EXAMINI

SUBIICIT

P R A E S I D E

M. SIGISMVNDI IACOBO APINO

ALVMN. NORIC. ET OECON. INSPECTORE

R E S P O N S V R V S A V T O R

ELIAS GOTTLIEB DIETERICH

VLMA - SVEVVS

PHILOSOPHIAE ET THEOL. STUDIOVS.

AD D. IX DECEMBRIS A. O. R. clc lxxx.

ALTORPHII NORIC.

TYPIS IOD. GVIL. KOHLESII ACAD. TYPOGR.

VITTORIO CH.

Q. D. B. V.
PRAEFAMEN.

Multum utique interest in veritate investiganda, immo dimidium via emensus merito ille censetur, qui errores, quibus in transversum abripitur, a tramite, rectè ad metam nos conducente, averti possumus, evitare didicit. Sane enim, quo longius remota est veritas, eo difficilius investigatur, & eo sollicitius etiam omnia impedimenta removenda sunt, si quis tuto & inoffenso pede progredi velit. In hoc ipso campo, nostro praesertim seculo, defudarunt praestantissimi Viri, in id praecipue incumbentes, ut philosophiam ab inutilibus Scholasticorum tricis purgarent, eandemque renovato quasi splendore posteritati commendarent. Et quemadmodum in omni scientiarum genere uberrimus huius laboris fructus deprehenditur, ita praecipue in Jure Naturae opera ista utilis & tantum non necessaria est; tot enim tantisque scopulis atque obstaculis, inde a primis initiis ad nostra usque tempora a variis injectis, scatet, ut sine horum remotione nemo facile ad altiore huius disciplina cognitionem pervenire possit. Agnoverunt id ipsum plurimi Juris Naturae Doctores, imprimis optimus huius sci-

entia restaurator Cel. PVFENDORFIVS ;
hinc etiam omni nisu id egerunt , ut detectis erroribus, fus N. a facibus istis purgarent, & sic tractationem ipsam huius disciplinae eo faciliorem redderent. Optime quoque successit labor, siquidem quam plurima istiusmodi obstacula ex via remota sunt, interim tamen non omnia plane, praesertim nostris demum temporibus mota, ita sunt discussa, ut non post largam illorum messem spica posteris colligenda relictæ fuerint. Hinc ego quoque operam non inutiliter collocatam mihi videor, quando sub optimi Numinis auspicio, pro ingenii mei modulo in ipsum hocce argumentum inquirere, et **MONITA ATQVE OBSERVATIONES CIRCA IVS NATURAE**, hætenus a plurimis, si non omnibus J. N. Doctoribus neglectas, ad multarum autem rerum faciliorem solutionem non parum, ut spero, facientes, Eruditorum Censura subiicere, mecum constitui. Quædisquisitio, ut cum veritatis agnitione & ex optato fructu a me suscipiatur, Deum, qui omnia bona largitur, supplex veneror. Abs te vero L. B. nihil magis rogo, quam ut hæc pagellas æquo animo perlegere, & ad controversias hætenus agitatæ adplicare velis, sic enim & veritatem & usum illorum te percepturum plane confido. Ceterum vale, & vive ex voto, nobisque fave.

OBSER.

OBSERVATIONES ET MONITA
CIRCA IVS NATVRAE.

§. I.



Ntequam ad ipsum nostræ tractationis argumentum propius accedamus, generaliora quædam Juris N. paucis attingere lubet, hæc enim toti nostræ tractationi lucem haud exiguam affundere poterunt. Firmum autem & satis hætenus probatum esse putamus, habitum seu notitiam J. N. quatenus in homines pro statu post lapsum cadit, esse SCIENTIAM PROPRIE DICTAM; (a) Certos namque omnino de eo nos redit ipsa scientiæ definitio, qua describitur, ut *clara, perspicua, adequata & vera rerum cognitio*, quæ partim *per simplicem perceptionem*, partim etiam *per demonstrationem* in hominis intellectu gignitur. Jam vero nemo, nisi harum rerum plane ignarus, facile negaverit, dari in J. N. *principia clara, perspicua, adequata & vera*; itemque *conclusiones rite inde deductas certas ac veras esse*: quare etiam habitus aut notitia hujus disciplinæ SCIENTIÆ nomine utique digna erit. (b)

A 3

§. II. Tan-

- (a) Prz ceteris operose atque solide assertum hocce confirmavit & adversus ejus impugnatores vindicavit laudatus PVENDORFIVS de *Jure N. & Gentium* L. I. c. II. toto, imprimis autem §. 3.
- (b) Hoc ipsum pluribus pertractare operæ pretium non videtur, præsertim cum multi J. N. Doctores oia hac in parte nobis fecerint, & ipsa quoque instituti nostri ratio id prohibeat.

§. II.

Tanta autem non est hæc scientia, ut omnia objecta æquali evidentia eademque facilitate possit demonstrare. (c) Sic enim omnibus numeris absoluta & perfecta omnino dicenda esset, qualis tamen hominibus in hac imperfectissima vita non contingit, (d) quippe qui ex lumine naturæ superstitute quædam tantummodo, eaque facilia & obvia magis exacte norunt, ita ut multa impervestigabilia & incomprehensibilia incognita relinquere necesse habeant; & quidem non tantum res fidei & mysteria, utpote ex sola Dei revelatione

(c) Testantur hac de re perpetua Juris N. Doctorum litigia, quæ, si evidentia & clara omnia essent, vel plane cessarent, vel non tanto animorum motu agerentur, ita ut nulla pars alteri vel in minimis cedere velit, ex firma scilicet persuasione, assertiones suas esse evidentes ac veras. Quæ omnia non nisi maximam difficultatem produunt.

(d) Scilicet innata illa scientiæ cupiditas, quæ nos sine intermissione movet, extimulat atque urget, satis demonstrat naturæ nostræ imperfectionem; est enim nihil aliud, quam desiderium explendi id, quod perfectioni naturæ deest. Id quippe desideramus, quod non habemus, id concupiscimus, quo indigemus, vel indigere nos putamus. Cum autem infinita sint, quibus caremus, infinita quoque sine modo expetimus, ita ut nihil amplius ad indigentiam nostram probationem requiri aut addi posse videatur. Ita *Auctor Anteriorum Juris Naturæ ad Generosissimum Dn.* *** non male differit, quanquam de cetero cum grano salis sit legendus, & non omnium hætenus consensus obtinuerit, hac tamen in parte non rejiciendus.



ne nota, (e) sed & naturalia, eaque magno satis numero vel in sola physica occurrentia (f).

§. III.

Immo si omnes philosophiæ partes percurramus, omniaque objecta, hypotheses, conclusiones & quicquid tandem in illis est quod a ratione nostra dependet, accuratius paulo observemus, nullam omnino scientiam adeo perfectamprehendemus, cui nihil possit addi, vel in qua nihil aut correctione dignum, aut nondum satis exploratum &c. occurrat (g).

§. IV.

Imprimis vero, si jam speciatim ad Jus N. hactenus

(e) De his enim ratio plane nihil novit, utpote extra sphaeram ejus posita. Vid. D. J. A. SCHMIDII diss. de ratione in M. T. captivata.

(f) Ipse IOH. CHRIST. STURMIVS sedulus admodum rerum naturalium scrutator hac de re ita loquitur in *Phys. Erot. prelim. p. 5.* Naturæ adeo vasta & inexhausta est profunditas, & rerum naturalium scitu dignissimarum ingens adeo multitudo, ut omnis omnium seu præteritorum seu futurorum seculorum industria spem absolutæ omnibus numeris scientiæ, absque temeritatis & arrogantiz nota, concipere nec possit nec debeat &c.

(g) Ea quippe est mortalium conditio, ut, si vel maxime in hoc vel illo studiorum genere desudaverint, præter omnium spem & opinionem, tertius meliora & solidiora doceat. De cuius rei veritate testari rursus potest physica, quæ hoc seculo imprimis caput suum efferre cœpit, & præstantissimorum naturæ scrutatorum observationibus ex tenebris extracta est, nihilominus tamen de die in diem majora capit incrementa. Et sic quoque cum reliquis scientiis & inspecie cum J. N. comparatum esse, nemini nisi illi, qui ea possidere, quibus tamen caret, falso sibi persuadet, erit obscurum.

nus dicta applicentur, maxima certe imperfectio reperitur, ut fere nullam post Physicam scientiam tam imperfectam & tot contradictionibus obnoxiam esse, (b) merito censeamus, cum neque in principiis, quæ instar fontis & scaturiginis sunt, ex quo omnia deducuntur, omnes conveniant. (i)

§. V.

Causa bujus imperfectionis non in objecto quærenda est, sed in subiecto. Objectum enim, i. e. jus divinum aut ipsæ leges homini positæ summa sapientia non solum dictitatur sunt, sed etiam firmum fundamentum in natura hominis. ejusque ad Deum & res alias relatione habent, (k) Deum nempe omnis sapientiæ fontem & fundatorem ipsius naturæ auctorem agnoscunt, ex quo etiam non nisi perfecta & naturæ nostræ convenientia expectari possunt ac debent, prout & in aliis rebus hanc suam sapientiam luculentissime demonstravit. Cum itaque in objecto non inveniamus quicquam, cui tanquam causæ imperfectio illa adscribi possit,

(b) Innumera esse in Disciplina Juris naturæ, quæ pro expeditis, claris, certis & veris habentur, quibus tamen nihil obscurius, incertius, difficilius fingi possit, solide demonstravit cit. Anon. in pref. §. 15.

(i) Notior est hæc de principiis J. N. primis controversia, quam ut pluribus his immorari necesse habeamus, cf. vero Pvf. in Eride scantica c. IV. tota.

(k) Hinc quoque nullum est dubium, quin omnes illæ imperfectiones, quæ a corruptione intellectus nostri pendent (in rebus sc. naturalibus) longe fuissent remotæ, si Protoplasti nostri, & nos cum illis, in statu illo beato, quo a Deo conditi fuerant, permansissent. Intellectus enim divino lumine collustratus prompte tunc assequi potuisset.

fit, hinc *ad subjeſtum* nobis recurrendum eſt, ad intellectum ſc. hominis, quem maxime depravatum invenimus, & adeo corruptum, (l) ut non tantum plurima obſecta non penetret, ſed & de multis perverſum judicium & minus rei conſentaneum ferat, uti in ceteris diſciplinis ita & in J. N. Quare non immerito cauſam quoque iſtius imperfectionis in illo hæreſe contendimus.

§. VI.

Et hæc ipſa Intellectus noſtri corruptio in cauſa eſt, cur nemo omnia, quæ ad hominis naturam pertinent, penitiſſime & accuratiſſime perſpiciat. Non nego equidem, intellectum noſtrum probe ſubactum atque excultum multa, immo plurima, quæ in homine ſunt, ſcire atque cognoscere; quæritur autem, an omnia plane, & quidem non ſuperficiarie, ſed exacte atque accurate penetret, id quod omnino negamus: Etenim ne corpus quidem ſecundum omnes partes, in eo deprehendendas ita accurate novit, ut uſum quoque, ad quem a Deo datæ ſunt, invenire ſemper poſſet. (m)

B

§. VII.

(l) Ipſam hanc mentis corruptionem Ethnicæ etiam nonnulli v. gr. CICERO, SOCRATES &c. una cum modernis ſanioribus Philoſophis agnoverunt, qui poſteriores etiam idem per omnes tres mentis operationes in Logicis & moralibus demonſtrant.

(m) *Anatomia* hac de re nos convincit, quippe quæ multas quidem & potiores corporis partes hæcenus indagavit, varix autem adhuc reſtant, vel plane incognitæ, vel certe non quoad finem notæ. Immo uſus multarum corporis partium ſi non plane latet, tamen probabilibus ſaltem rationibus nititur. Confirmat hoc vel unica *cerebri fabrica*. Quis enim Anatomicorum detexit hæcenus fun-

S. VII.

Cum itaque tanta intellectus infirmitas circa ea, quæ in corpore sunt, reperiatur, quanta quæso erit in ipsis operandi facultatibus evolvendis, quæ eo obscuriores sunt, quo magis a conceptu materiali recedunt (n) Hæc cum ita sint, non video; quomodo cum veritatis specie asseri possit: totam nostram naturam, etiam qua operandi facultates, nobis exacte esse notam. Ut taceam

functionem quarundam illius partium, quæ a figura diversissime, obscoenis etiam vocabulis, denominantur. Talis est *protuberantia annularis WILLISII*, *eminentiæ olivares VIEUSSENI*, *calamus scriptorius*, *glandula pinealis*, *nates & ventriculi cerebri &c.* Hinc ipse CÉLEBERT. HEISTERVS in *Comp. Anat.* p. m. 79. profitetur: *usum specialem unius cujusque partis cerebri esse incognitum, vel certe dubium.* Ne dicam nunc de aliis varii generis *glandulis*, de *mammis* in viris, & quæ sunt alia, quorum usum nescimus, & functiones, quas Anatomici illis adscribunt, nævis suis non omnino carent. Sic quoque *Botanica* infinita herbarum & fruticum tradit nomina, quæ vel ab exterarum gentium regionibus deferuntur, vel etiam nostris in terris crescunt, quarum tamen usus aut plane incognitus est, aut minimum nulla experientia probatus. *Amarantibi* elegantissimus color, *Tuliparum* venusta varietas, *Tageti Indici* amœna pictura, aliorumque florum spectata elegantia: oculos quidem delectat, aut nares grato odore recreat, sed vi medicamentosa Philiatris se non commendat. Et ita in aliis quoque scientiis comparatum est, ut merito exclamare necesse habeamus: o! quantum est quod nescimus, quod ignorant & singuli & omnes.

(n) Argumentationem hanc illi facilius admittent, qui, quantum difficultatis in conceptibus abstractivis & rebus immaterialibus perscrutandis reperiatur, experti sunt.

taceam ipsum naturæ conceptum in plurimis, qui de natura loquuntur, ita confusum atque obscurum esse, ut vel plane nullam, vel itidem obscuram & sibi ipsis non satis cognitam ejus descriptionem proferant. (o)

§. VIII.

Licet vero, uti hætenus ostensum est, tot imperfectiones in J. N. reperiantur, certum tamen omnino atque firmum manet, cognitionem nostram circa J. N. satis amplam satisque accuratam esse, ita, ut solers ejusdem cultor neque materia neque solidis fundamentis in variis ejusdem partibus destituatur. Sed utrum ea soliditas in omnibus illis locum habeat, quæ objecta J. N. constituunt, licet non ab omnibus ad id referantur, hoc est quod jam antea non sine ratione negavimus. Hinc etiam si non certum, probabile tamen esse censemus, plura J. N. nos cognoscere quoad *res*, quam quoad *res fieri*; h. e. plurima quidem in J. N. occurrere, quæ vel bona vel mala, honesta aut turpia &c. a nobis considerantur, ita tamen, ut ratio sufficiens, cur ita considerari debeant, reddi nequeat, etiam ab illis, qui aliis harum rerum non sunt ignari: id quod colligi posse videtur ex iis rebus, quas plurimæ gentes cultiores, nullis commerciis inter se junctæ, naturaliter honestas aut turpes judicant, neque tamen argumentis

B 2

apo-

(o) Naturæ vocabulum tum apud Philosophos, tum etiam apud Theologos diversas habere significationes, res notissima est. Videri autem ea de re possunt ION. CHRIST. STURMIVS in *Diss. de Naturæ agentis idolo*, quæ continetur Tom. II. *Philosophiæ Ecclesiæ* p. 359. ROBERT BOYLE in *dissertatione de ipsa Natura*, & Theologi passim; qui tamen naturam opponunt gratiæ, & ita alium plane conceptum formant de Natura, quam quidem in Philosophicis & in specie in J. N. fieri solet.

apodicticis ac irrefragabilibus id ipsum demonstrare valent (p) v. gr. de incestu (q) Sodomia (r) Polygamia (s) concubinato (t) &c.

§. IX.

(p) Hic tamen non id volo, ac si J. N. recte describatur *per id*, quod natura omnia animalia docuit, aut quod sit nihil aliud, quam naturalis instinctus & ratio non dativa aut nativa, suadens honesta & dissuadens contraria; Lex enim & naturalis instinctus, qui etiam in brutis invenitur, differunt, & nascenti homini actuales propositiones de agendis & omitendis non insunt. Illud autem absurdum plane videtur, Jus naturæ suadere honesta, & dissuadere contraria; nam 1) objecta J. N. non sunt absolute honesta aut turpia, utpote propter legem talia. 2) Contra naturam Juris naturæ est suadere & dissuadere, siquidem legis essentialia attributum est præcipere & vetare, quod recte observat GROTIUS de J. B. & P. L. I. §. 10. quanquam id recte in Grotio reprehendatur, quod censeat, moralem turpitudinem & necessitatem inesse actionibus quibusdam, etiam abstrahendo a præceptione divina. Fundamentum igitur turpitudinis in incestu, Sodomia, &c. in naturali pudore & insita averfatione atque fuga ejusmodi commixtionis querendum esse, præclare ostendit VELTAVSIUS, & ex eo PFENDORFIUS L. I. c. II. §. 6.; quamvis enim, (notatus a IOH. MYSÆO, Diff. de conjugio §. 106.) dissentire videatur, expressis tamen verbis consentit *specim. controvers.* c. IV. §. 21. Cum vero etiam in moralibus quædam contra naturam sint, quæ demonstrari luculenter nequeunt, nec ab illis dissentio, qui in hoc, quod nulla plane ratio hac de re dari possit, fundamentum querunt. v. HOCHSTETTERI coll. PVF. p. 406. §. 14.

(q) Incestum, imprimis lineæ ascendentis & descendentes, i.e. matrimonia inter parentes & liberos &c. inita, miro apud plerosque consensu confirmatur, Naturali juri contraria esse. Sunt vero etiam nonnulli ex recentioribus J. N. Doqui

etoribus, qui Incestum Juri naturæ non contrariari contendunt, & hinc ad aliam legem divinam provocant. Præter enim ea, quæ adversus naturalem humanorum affectuum abhorrentiam, ad quam nonnulli hac in re confugiunt; Plutarchi sententiam de latius spargendis amicitiiis; Socratis disparitatem ætatis, & confusionem vocabulorum, in necessitudinibus describendis adhibendorum, quam alii crepant itemque communionem sanguinis excipiunt, &c. hoc quoque fundamentum, quod in reverentiæ debito & pudore naturali plurimi ponunt, destruere annuntur. Ita vero id destructum eunt, ut & reverentiam & pudorem seorsim spectent, ubi intuitu solius reverentiæ non absurdum ipsis videtur esse, matrem cum filio sui Juris jungi, cum neque repugnet, maritum uxori ob virtutem, sapientiam aut nobilitatem, reverentiam exhibere. Hoc declarant exemplo ex conjugio Principis cum subdita, aut Reginæ cum subdito, etsi utrobique uxor & maritus characterem subditorum retineant. Quibus addunt: reverentiam illam Parentes liberis adultis remittere posse, & si vel maxime hoc non urgere velint, tamen v. g. Matrem jus illud exigendi reverentiam, quod jam tanquam mater habet, in pacto conjugali cum filio etiam in posterum sibi reservare posse. Intuitu vero pudoris, separatim spectati, videtur illis, sequi, nulla plane conjugia admittenda esse, cum omnes homines causam pudoris in se deprehendant. Quod si tandem reverentiam cum pudore conjungunt, recurrunt ad prius, quod sc. parentes reverentiam illam possint remittere, qua cessante, pudorem etiam tolli existimant. *Sed non desunt, quæ adversus ista reponi possunt.* Primo enim male agunt, quod reverentiam a pudore secernunt, & de qualibet parte seorsim loquuntur, cum reverentia una cum pudore fundamentum aliorum constituat, ita, ut unum ab altero separari nequeat. Et sic unico quasi ictu totum illorum argumentum infringi posset. Præstat autem quam libet ejus partem seorsim examinare. Reverentiam itaque quod attinet, ipsis quidem non absurdum videtur, matrem cum

filio jungi, aliis vero contrarium plane non tantum videtur, sed tanquam certum constat, quæ etiam certitudo neque per rationem additam, neque per exemplum allatum ullatenus infirmatur. Longe alia scilicet reverentia est liberorum erga parentes, quam quidem ea, quam vel maritus uxori ob sapientiam &c., vel etiam conjux Principis aut Reginx, subditus licet, eidem exhibet. Illa enim, quæ in liberis cernitur, à natura ipsis inest, cum hæc, subditorum nempe, mediante facto humano orta sit, ex qua diversa origine, diversitas etiam reverentix provenit, eaque non levis; quemadmodum id ipsum ex observatione accuratiori innotescit; reverentia enim subditorum ut plurimum tantum est externa, cum contra liberorum reverentia interna simul sit & altos in corde radices alat, quæ etiam non extirpatur, etiamsi parentes hoc vel isto grandi quoque flagitio indignos hujus reverentix sese reddiderint; suppono autem liberos bene educatos. Inde vero simul responsio ad objectionem istam de remissibili reverentia petenda est. Si enim illa a natura est, & tam alta mente reposita manet, sequitur necessario, eam non tam facile ab ipsis liberis eradicari, tantum abest, ut parentes eam remittere possint, quippe qui in naturam liberorum agere nequeunt, neque ab ipsorum voluntate solum hæc reverentia dependet, sed, pariter ut ceteræ mentis & voluntatis imprimis, affectiones naturales, a natura aut potius autore naturæ proficiunt. Immo si hæc reverentia posset remitti, sequeretur amorem etiam remitti posse, & odium quoque; eadem enim ubique est ratio; quod vero est absurdum. Quod denique attinet reservationem reverentix in pacto conjugali, ea nititur hypothefi: *reverentiam marito a conjuge ex lege non deberi*. Sed, præterquam quod hypothefis illa nondum sit demonstrata & difficultatibus quam plurimis obnoxia maneat, etiamsi id concedamus, simul tamen clarum erit pactum esse inter æquales, quorum nulla pars præ altera prærogativam habet, hinc neque mater, uxor, jure reverentiam reservare sibi potest a marito filio, præsertim cum, posito tali casu

mater,



mater, si non semper, ut plurimum tamen, primum hoc conjugium expetere nobis videatur. Pudorem quod attinet, repetendum, a reverentia non posse eum separari, & si vel maxime fiat, nequaquam tamen consequentia illa, qua sc. omnes homines hoc intuitu a conjugio arceantur, procedit, dantur enim gradus uti amoris & ceterarum affectionum mentis, ita & pudoris, hinc etiam hac consequentia: in hoc vel isto casu pudor non impedit factum, ergo nec in omnibus, eluditur. Et sic etiam, quando conjunctim ab ipsis sumuntur pudor atque reverentia, recurrendum est ad priorem responsionem de remissibilitate reverentiae, cum huc & ipsi recurrant. Quod si itaque in una incestus specie demonstratum sit pertinere illam ad jus naturae, ceterae quoque illuc referendae erunt, quod enim valet in uno, valet etiam in altero.

(r) Sodomiam Juri N. adversari majori adhuc consensu approbatur, idque hanc praesertim ob causam, quod membra in hoc actu plane contra naturam applicentur, & pudor naturalis una cum dignitate hominis ei refragetur. Nec tamen hic quoque desunt, qui hoc in dubium vocant, & nefandum quidem crimen esse concedunt, non vero in J. N. sed lege Divina universali prohibitum esse contendunt. Rationes quas afferunt, haec potissimum sunt: 1) usum membrorum contra vel praeter naturam non semper tale peccatum esse grande: id ut probent, provocant ad clisteres, vomitum & manus, vice linguarum in casu necessitatis usurpatis. 2) Adversus pudorem & dignitatem hominis excipiunt: multa peti concedenda, quae sunt in principio, hinc demonstrationis trutinam non sustinere. *Tantae autem non sunt haec exceptiones, ut a suo asserto ideo dimoveri possent alii.* Primo enim confundunt id, quod praeter & quod contra naturam fit, quod exempla allata ostendunt: clisteres enim & vomitus, praesertim per medicamenta excitatus, adeo non sunt contra naturam, ut potius ad conservandam naturam & sanitatem corporis adhibeantur, & hinc naturae convenientes. Nec obstat, quod via ordinaria non ejiciatur materia peccans,

cans, aut intromittatur medicina; pro conditione enim morbi remedium etiam præscribitur, interim non statim hoc est contra naturam. Ergo hæc huc plane non quadrant, ne quid dicam de usu manuum ad exprimenda animi sensa in defectu linguæ, fit enim & hoc, uti priora, in casu tantum necessitatis, & ceteris etiam actionibus & facultatibus non est contrarium, quod quidem in Sodomia fit, ubi conjunctio v. gr. viri cum bestia tum propter commixtionem corporum plane diversarum naturarum, tum propter seminis ad formandum hominem apti nefandam intromissionem in ventrem bestię, ubi finis, sc. sobolis procreatio non attingitur, non nisi naturæ contraria est. Quod vero dicunt intuitu dignitatis & pudoris præsupponi, quæ probanda demum sint, & hinc justam demonstrationem non oriri; fateamur quidem perfectam demonstrationem non adesse, sufficit autem assertionem receptam nondum esse everfam per argumenta contraria.

- (s) Polygamiam lege tantummodo positiva prohibitam esse & J. N. non contrariari, olim jam assertum, & hodiernum a nonnullis non sine magno aliorum applausu adstructum reperitur, ex his præcipue rationibus, & a priori quidem: polygamiam virilem ex lege N. non posse impugnari, quia socialitas humani generis, aut generatio sobolis non impediatur per eandem, quin potius rationi sibi relicte eandem multum facere videri ad multiplicationem generis humani; quibus addunt a posteriore argumentum, desumptum a dispensatione divina, qua Deus in V. T. populo Judaico, vel certe Patribus eandem permisit; quin & inter beneficia Davidi præstita recenseri, quod ipsi plures uxores dederit; Jam vero Deum ea quæ essentiam hominis turbant, ac J. N. prohibita sunt, minime inter beneficia recensurum. *Ad hæc reponitur. quoad primum:* Nondum omnes J. N. Doctores socialitatem tanquam principium primum agnoscunt. Quod si vero etiam id concedatur, omnino polygamiam contra socialitatem domesticam præcipue esse ostenderunt. Generatio-

§. IX.

Ex his diversis diversorum opinionibus, quarum quælibet suis fundamentis, licet non satis firmis, nititur, maximum assertioni nostræ pondus accedere videtur, qua meris probabilitatibus plurimas in J. N. positiones absolvi dicimus (u). Quod si enim verum est, dari istiusmodi casus; qui a nonnullis non sine insigni probabilitate ad J. N. referuntur, ab aliis vero eadem

rationem sobolis autem, præcipue in viris, hoc modo impediri, inde probari posse videtur, quia si omnes quatuor aut plures uxores adsciscere vellent, vix dimidia pars virorum uxores acciperet, cum non ostendi & probari possit, plures fœminas dari quam viros. Quod rationem a posteriori attinet, distinguendum erit inter dispensationem & tolerantiam, qua de re videatur celeberrimus & de Ecclesia nostra optime meritus Theologus, D. J. G. SÆIERVS in *Diff. de discrimine dispensationis & tolerantia, Jenæ 1688. habita*. Plura his addere non est opus.

- (t) de Concubinato hodiernum an sit contra Jus Naturæ, nec ne, disputari, res notissima est, sic etiam rationes pro & contra prolatae omnibus sunt cognitæ, cum scripta hac de re extantia, recentissima præsertim, omnium manibus terantur, & hinc non opus esse videtur, hisce pluribus immorari, cum idem in hac quoque, uti in aliis J. N. quæstionibus controversis quam plurimis, observetur.
- (u) Eam nempe ob causam exempla ista afferre, & paulo sollicitius in argumenta invicem opposita inquirere placuit; non ut unam sententiam tanquam demonstrative veram, præ altera, minus certa, amplectendam esse suaderemus; hoc namque à scopo nostro plane alienum & ei potius contrarium esset: sed ut per hanc collationem de difficultatibus, utrinque occurrentibus, eo melius informaremur, & ita etiam ad imbecillitatis nostræ agnitionem eo proniores redderemur.

dem probabilitate ex J. N. exterminantur, nihil aliud inde sequitur, quam cognitionem nostram circa J. N. quodque maxime imperfectam esse, ita, ut omnia ejusdem objecta accurate cognoscere & dijudicare non valeamus. (x)

§. X.

Nimis ergo audaces merito illi dicendi sunt, qui, quæ ex Lumine naturæ, aut principiis Juris naturæ summa cum evidentia demonstrare nequeunt, non esse J. N. objecta concludunt, existimantes scilicet, ad Juris naturæ objecta requiri, ut ratione penitus assequi possint, (y) & hinc etiam quicquid ratione evidenter demonstrari nequit, id ad Jus divinum positivum referunt. Perinde ut physici quidam Cartesiani, qui illa corporum naturalium phænomena, quorum ex hypothesi sua rationes evidentes reddere non possunt, in dubium vocant & negant (z).

§. XI.

(x) Neque alicujus momenti videtur objectio, quæ hic moveri posset, sc. hoc modo nihil vel parum ex Jure naturæ decidi posse? Par namque etiam in ceteris est ratio; quamcunque enim sententiam ex duobus istis accipias, semper tamen dubia, ex altera parte mota, judicium, forsitan jam formatum, si non tollere, suspectum tamen, i. e. zque incertum reddere poterunt: & sic demum sequitur, nonnulla probabili tantum ratione nos assequi; qua de re tamen in sequentibus.

(y) fit hoc non modo ab illis, qui talem, quam nos adstruximus, imperfectionem non agnoscunt, sed ab iis quoque, qui in aliis locis hanc ipsam mentis nostræ infirmitatem argumentis solidis admodum probatum iverunt, hac vero in parte de ea ne quidem cogitant.

(z) Fecit hoc imprimis ANT. LE GRAND, qui partim in *inquisitionibus Philof.* secundum principia Cartesii adornatis, par-



§. XI.

Utrumque perversam ingeniorum arrogantiam sapit & superbiam, qua homines, ex pravo φιλοψυχίας vitio, omnia se penetrare posse sibi persuadent, atque hinc absolutam perfectionem scientiæ ipsis inesse credunt, eamque mensuram & arbitram omnis veritatis constituunt.

§. XII.

Quia igitur hætenus prolata sua luce radiant, non video, cur non etiam in Scientia Juris Naturæ, prouti in aliis disciplinis fieri solet, (a) discrimen utique statui possit inter ea, quæ absoluta certitudine & evidentiâ cognoscimus ac demonstramus, (b) atque inter ea, quæ probabiliter saltem conjectura æstiquimur. (c) Ita tamen, ut hæc posteriora ab objecto nostræ scientiæ minime excludamus. (d)

C 2

§. XIII.

partim etiam in *Historia Naturæ*, de occultis præcipue qualitibus satyrico admodum modo loquitur, ex nulla alia causa, quam quia rationes ex sua hypothesi claras dare nequit.

- (a) Exempli loco nobis denuo fit physica, de cujus objecti cognoscendi multiplici difficultate supra jam ad §. 3. ipsum Sturmium testem adduximus.
- (b) talia sunt omnia illa, quæ ex convenientia vel disconvenientia cum nostra natura evidenter demonstrari possunt. Dari vero istiusmodi evidentiam ac certitudinem in aliquibus J. N. partibus, supra quoque adstruximus, cum scientiæ nomen ipsi vindicaremus, in §. 1.
- (c) Quo spectant, quæ supra de Incestu, polygamia, sodomia &c. dicta sunt.
- (d) Hoc enim nunquam in mentem nobis venit, ut ea, quæ certe & apodictice non possunt determinari, in quantum convenient vel non convenient, ab objecto J. N. velle-

mus

§. XIII.

Hic vero scientiæ nostræ naturalis defectus omnino per Jus divinum, in scripturis S. revelatum, aliquo modo refarcitur, (e) quando Jus divinum ad J. N. scientiam locupletandam non inutiliter adhibetur; (f) sine quo

mus excludere; quod quidem nonnulli faciunt, eo ipso tamen limites J. N. nimium quantum coarctant. Immo hoc ipsum est, quod per totam hanc dissertationem infringere conamur.

(e) Non quidem ita, ut ea, quæ ex J. N. per nostram imperfectionem non possunt decidi & demonstrari, statim ad Jus divinum tanquam proprium fontem, ex quo decisio peti debeat, referenda esse, doceamus; hoc enim supra jam rejecimus; sed hoc tantum volumus, Jus divinum in scripturis revelatum multa tradere, quæ ipsi Juri naturæ lucem affundunt, & casum, ex J. N. non sine contradictione decidendum, plane indubium reddere.

(f) Pertinent huc pleraque *Decalogi præcepta*, hunc quoque in finem tradita, ut eo clarioribus appareret documentis, Deum non posse non jubere, quæ rectæ rationi conveniunt, aut prohibere, quæ eidem disconveniunt. Sicuti vero publicatio non mutat Jus, nisi quatenus aliquid addit; ita etiam essentiam J. N. non tollit, quod multa ejus præcepta in codice S. repetita inveniantur, cum & in legibus nostris civilibus multa contineantur, quæ sunt Juris divini & naturalis vid. Cel. J. F. SCHNEIDERI *Diss. de finibus Jurisprudentiæ Naturalis regendis*. Hoc tamen concessio, non opus erit omnes leges naturales ex revelatione probare; quamdiu enim in Lum. N. solidum earum fundamentum reperitur, tamdiu etiam ad illud provocandum, ne fines ab ipso divino Numine constitutas confundamus. Et sic omnino differentiam J. N. a positivo admittimus, quæ ab *objecto*, medio cognoscendi, ratione modi obligandi & durationis peti solet. Confer hic Przcellen-

quo fonte etiam forte omnes J. N. Doctores non minus quam prisca Gentium Philosophi cæcutirent. (g)

§. XIV.

Vt autem modo dicta eo clarius innotescant, ita colligimus: Ubi in Scripturis S. Deus Legislator quasque præceptorum aut interdictionum rationes addit, *ex indole actionum petitas*, (h) ibi indicium facere videtur, *præcepta ea esse Juris naturæ*. Nam leges mere positivæ non tam fundantur in natura objectorum suorum, quam in libera Legislatoris voluntate. (i)

C 3

§. XV.

cellentissimi DN. PRÆSIDIS, Patroni atque fautoris mei plurimum colendi, nuper habitam Diss. *An liceat brutorum corpora mutilare*, qua etiam officia brutis præstanda ex lumine tum rationis, tum etiam revelationis derivavit. Revelatio ergo ad complendum J. N. defectum in subsidium vocanda est.

(g) Videmus id ipsum in comparatione Philosophorum priscorum ex Gentilibus cum nostri ævi Philosophis, qui posteriores in omnibus fere pleniorum & solidiorum cognitionem possident, quo nulli Gentilium pervenerunt, cum tamen neque *ratio*, neque *diligentia*, neque *adminicula naturalia eo perveniendi ipsis defuerint*.

(h) in quibusdam gradibus prohibitis id fit Lev. XVIII. v. 7. 8. 10. 12. 13. 15. 16. 17. itemque in Sodomia ibid. v. 22. 23. &c.

(i) de hoc posteriori nemo fere est, qui dubitet. Prius autem quod concernit, a pluribus id ipsum negatur. Nos vero probamus exinde, quia 1) in ceteris legis positivæ præceptis nulla istiusmodi causa additur, neque etiam in mere positivis opus id esse in thesi adstruximus.

2) In

S. XV.

Præmissis hisce præmittendis sequentem damus J. N. definitionem: (k) Jus Naturæ strictè sic dictum (l) est scientia sui generis, respectu

2) In eo est Deus Lev. XVIII., ut ipsas positivas leges Israëlitis præscribat, quando itaque dicit: hoc vel istud ne facies; cum addita ratione, hæc ipsa ratio respectum habet ad aliud jus, ipsis jam notum: hoc autem jus, ad quod provocat, non potest esse positivum, quia id modo tradit, ergo Jus Naturæ erit. Sic cum Deus dicit v. gr. vf. 7. Nuditatem Patris tui aut Matris tuæ ne retegito, quia mater tua est, sensus horum verborum est: ipsa sana ratio & pudor naturalis tibi suppeditabit, hoc factum esse malum. Imprimis vero interdictum de Sodomia, quod Lev. XVIII, 22. & 23. extat, id clarissime docet; de priori enim specie inquit: הוֹא הוֹעֵכָה hoc est abominatio, & posterius vocat כָּל חֵלֶל confusioem: ita enim indicat omnibus sanioris iudicii hominibus istiusmodi factum abominabile & detestabile videri, quod simul confundat, quæ ipsa natura separet; quemadmodum etiam Paulus ad Rom. I, 27. nefandum hocce factum usui naturali, i. e. Juri naturæ convenienti, opponit.

(k) quot systemata J. N. tot peculiare invenies definitiones, paucissimas vero ita comparatas, ut divisum ex hauriant. Qualis autem hæc nostra sit, ipse L. B. iudicabit.


(l) quatenus sc. solas *justi* regulas complectitur, & latioris ejus ambitum ad regulas *honesti*, *decori* & *prudensia* excludit.

pectu nostri haud omnibus numeris absoluta (*m*), quæ ductu luminis naturæ, (*n*) propter intellectus per lapsum depravationem, partim absoluta certitudine, partim probabilis notitia (*o*) cognoscenda tradit ea omnia, quæ cum natura hominis ex voluntate Dei conveniunt vel non conveniunt, ut sciat homo, quid ipsi sit faciendum vel omittendum, ad felicitatem suam promovendam.

(*m*) quia non omnia objecta æquali evidentia & facilitate demonstrari queunt.

(*n*) non tamen penitus excluso lumine revelationis, juxta §. 13.

(*o*) ita tamen, ut ipsæ leges, summa sapientia in naturam hominis positæ, mancant perfectæ.



PRÆSTANTISSIMO AVTORI
HVIUS DISSERTATIONIS
IOH. GVILIELMVS BAIERVS D.

S. D.

Quantopere Tuam, DIETERICE optime, indolem, mores, studia, diligam, ipso quidem rerum, quam verborum, testimonio malim demonstrare. Interim quoties Tui penes alios mentionem fieri contingit, silere non possum, quæ in Te quotidie mihi observare licet ingenii virtutisque documenta, quæ mihi certe consuetudinem tuam sive in mensa, sive pro cathedra, multo reddidere conjunctissimam. Quare nunc etiam editum abs Te laudabilis industrie & doctrinae specimen non possum non pia prosequi gratulatione, Deum precatus, ut egregia, quæ in Te collocavit, gratiæ suæ dona, conservet, augeat, provehat, ac suo tempore amplissimis præmiis coronet.

DOCTISSIMO DOMINO
DISSERTATIONIS HVIUS AVTORI

S. P. D.

PRAESES.

Quam Affinis Tuus, Vir pl. reverendus J. J. HÆBERLINVS, cujus illibata etiam nunc amici fides persistit, de Tua præstantia mihi fecit spem, hancego nunc amplissime eo imprimis die impletam video, quo

quo cathedram mecum ad defendendam Vere Tuam dissertationem conscendis, Tuamque differendi promptitudinem, qua saepius declamando, disputando aliisque specimenibus non contemnendum applausum obtinuisti, de novo quasi conspiciendam praebes. Non dubium est, quin Patronis & studiorum tuorum promotoribus, quibus offers hoc specimen Academicum, probaturus sis industriae tuae luculentum testimonium. Quapropter, uti PATRIAE Tuae, a priscis seculis inclitae, ita Matri charissimae, sanguine junctis, aliisque bene Tibi cupientibus de civitate, filio, cognato & amico, bono, morigero & omni laude dignissimo, ex animo gratulor, Deumque veneror, ut impofterum honestos Tuos conatus gratia sua fortinet, & felicissimo Tibique exoptato eventu coronet. Caterum si quid in me erit officii, quod equidem exiguum esse intelligo, id quovis tempore libenter faciam, ut quantum Tibi, imprimis Haebelino meo dilecto, cui optima quaeris cum plurima salute sincera mente apprecor, debeo, reipsa demonstrem. Vale. Scribebam in museo raptim die III. Nonarum Decembris A. O. R. c1o lxxx.

S Acra indefesso volvis, DIETERICE,
labore,

Jam juvat ingenuas & coluisse Deas.
Perge, decus juvenum, virtutis & artis alumne,
Sic Tibi Pierides praemia digna parant.

*Hisce paucis Nobilissimo atque Doctissimo
DOMINO RESPONDENTI, Fautori
honoratissimo, gratulatur*

P. GERIKE, Med. Cand. Opponens.

D

Wes

Mas vormahls Puffendorff / was nachdem Tho-
mas lehret ;
Das wird durch Deinen Fleiß / Herr Dieterich /
vermehret :
Fahr' fort und werde eunst / wie jene seyn bekannt ;
Es bleibet Dir der Ruhm / die Frucht dem Vate-
terland.

Also wolle seinem Vortrefflichen Herrn Vater und
Landmann bey woblaufgesetzter und rühm-
lichst gehaltenen disputation gratuliren

Deßsen ergebenster Freund
und Diener

Jo. Stengel / Philof. Mag-

Non calamus , non ingenium , sed
plenus amore
Affectus scribit suavia verba
TIBI.

Hiscæ
Tibi Auctori,
MI OPTIME
applaudit Tuus

I. G. E. Oppon.

Sic-

Siccine nunc cathedram, *Theodore*, ascen-
dere pergis,

Doctrinaeque iterum das documenta *Tua*?
Scilicet humanae quem coelestisque Sophiae
Cultura excellens omnibus ipsa probat.
Hinc plaudens voveo : Perge, o *Doctissime*,
perge;

Nam *Dietricorum* Nomina calcar habes.

*Hæc Clarissimo atque Eruditissimo Domino
Respondenti Autori, Amico Aestimatis-
simo, de edito egregio doctrinae specimine
Academico gratulabundus adjecit*

IOH. CAROLVS APINVS, Hohenloico-Franc.
SS. Theol. Stud. Opponens.

Pulpita cum scandas iniens certamina docta,
Gratulor hinc toto pectore, *Amice*, *Tibi*
Pergito nunc porro doctos producere factus,
Laurea sicque *Tibi* tempore *ferta* paras.

*Hæc pauca Clarissimo atque Doctissimo
Domino Respondenti Autori, Amico
integerrimo, gratulabundo scripsit
animo*

I. M. Graubdiener / Med. Stud.

D 2

Nunc

Nunc rursus cathedram scanſurus, AMICE, probatum
 Quam ſis virtutis captus amore piæ:
 Hoc ſiſtis ſpecimen doctum pariterque politum,
 Quod famæ & decoris præmia digna dabit.
 Gratulor ergo TIBI, cœptis DEVS annuat almus,
 Vivat honos, fauſtus terque quaterque ſies.

*Ita NOBILISSIMI ac DOCTISSIMI
 DOMINI AVCTORIS RESPON-
 SVRI DOCTIS AVSIBVS ſuccinit*

GEORGIVS LEONHARDVS RECK, Francus,
 SS. Theol. Cultor.

Anidum rursus ſubeas cum templa ſacrata,
 Calliope lato concinit ore melos:
Maſſe! viam, PROAVVS famâ ſuper æthera notus
Quam ſtudio magno preſſit, eamque preme;
Et ſolvam merito Tibi præmia juſta laborum,
Præmia, quæ nullo ſunt peritura die.

Hiſce Nobiliſſimo clareque docto Diſſer-
 tationis hujus Autori Reſp. ob ſpecimen
 hoc egregie editum accinere, affe-
 ctum propenſum teſtari, ſimulque
 fauſta ſemper affluentia apprecari
 voluit



CHRISTIANVS FRIDERICVS Cræmer /
 SS. Theol. Stud.

